



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cornelii Jansenii Iprensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Sect. V. Confirmat eam S. Augustinus ex necessitate Christi pro omnibus.

**urn:nbn:de:hbz:466:1-39351**

DE PROPOSITIONE V. 463

De omnibus , exceptō nemine , arguebat ex  
Apostolo : *Christus pro omnibus mortuus est ; ergo  
omnes mortui sunt , NEMINE EXCEPTO.*

L. 20. de

Civ. Dei.

Pro eisdem omnibus Julianum urgebat dum  
dicebat: *Juliane , non hoc Augustinus , sed Aposto-  
lus dixit : Imò per ipsum suum Apostolum Christus L. I. op. imp.  
( scilicet ) unus pro omnibus mortuus est , Cohibete cap. 133.  
vaniloquio. Cede Deo.*

SECTIO V.

*Confirmatur Mors Christi pro omnibus  
ex eodem S. Augustino ex necessitate  
Christi pro omnibus.*

**S**i humani generis Redemptor non nisi ratione  
Spretij , quod etiam ad Dæmones pertinet ,  
Interprete Jansenio,dicatur omnino Redemptor  
omnium , quod redemptionis officium evacuat ;  
Planè sequitur , ad hominum , quibus mors non  
profuit re ipsa , Redemptionem , Passionem ac  
Mortem esse impertinentem , & indifferentem  
sicut ad Dæmonum liberationem . Exinde fluit  
Non magis ad homines illos Christum specta-  
re , quam ad eosdem Apostatas Angelos . Proin-  
dè non magis hominibus istis quam Dæmoni-  
bus Christum esse necessarium , quatenus redemp-  
tor , Mediator , & Medicus factus est . At-  
qui tamen S. Augustinus Christum hominibus  
omnibus , nemine exceptō , dixit esse necessa-  
rium ; ergo .

Probatur . Primò Quia S. Augustinus illis solis  
Christum non esse necessarium asserit , qui sine  
concupiscentia sunt procreati ; atqui tales nulli  
sunt ; ergo Christus est omnibus necessarius .

Pro-

## 464 LIBER SEXTUS

Probatur Major ex Epistola 89. q. 3. Proinde isti, si fortè invenerint infantem non ex illius unius hominis concupiscentia procreatam, ipsum dicunt illi damnationi non esse obnoxium, nec per Christi Gratiam ab illa damnatione liberandum.

Securidò damnandos censet Parvulos quibus Christi gratia defuit, ergò illis necessaria fuit; alioquin esset sequela impertinens, tantumque dici oportuit, damnati sunt, quià in peccato nati, in peccato mortui sunt. Et ideo mortui: quià sicut Dæmones Redemptorem non habuerunt, nec salvari potuerunt: sic nec illi.

Augustinus tamen in defectum medicinæ acceptæ refert, quod liberati non sint; ergò medicum habuerunt.

Probatur minor ex Epistola 28. Quæcumque autem anima sine gratia Mediatoris & Sacramento ejus in quolibet æate de corpore exierit, & in pœnam futuram, & ultimo judicio corpus recepturum ad pœnam.

Et alibi: Numquid nisi damnatus parvulus nascitur? Et per quem nisi per Christum ab ista damnatione liberatur?

Et iterum: Non eos habere vitam, nisi habeant Christum, Joannes Evangelista testatur dicens in Epistolâ suâ: qui habet filium habet vitam, qui non habet filium, vitam non habet; merito itaque intelliguntur mortui, qui non habent vitam, pro quibus est mortuus, ut habeant.

Et antè: Nam itaque vobis ipsis reddite rationem, ne putetis indignum, ut qui non admittuntur in regnum Dei, sint sub illo qui cedidit de regno Dei: & qui non habent vitam, sint sub illo, qui perdidit vitam: non autem habere parvulos vitam, nisi habeant Christum; quem proculdubio habere non possunt nisi induerint eum, eo modo quo scriptum est: quotquot in Christo Baptizati estis, Christum induistis.

An-

Epist. 28.

L. 1. op post.  
cap. 5.L. 6. cont.  
lil. c. 9.

## DE PROPOSITIONE V. 465

An de Dæmonibus dici possit: *Non nisi per Christi gratiam fuisse liberandos?* Ideò in morte permansuros, & in ultimô judiciô puniendos, quia Gratiam Mediatoris non acceperunt? An ideo vitam non habebunt, quia Christum, qui vita est, non induerunt? Hoc tamen dici debuit de illis, sicut de hominibus, v. g. Parvulis non baptizatis, si redempti non sint, nisi quia pretium oblatum est sufficiens, sed non aliâ Redimentis intentione liberandi à morte oblatum, quam pro dæmonibus. Hæc autem comparatio plena cum Spiritibus Apostatis Jansenii est. Ergo illa corruit per eam, quam Augustinus requirit in hominibus omnibus Christianæ medicinæ necessitatem.

## S E C T I O V I .

*Confirmatur ex sententia S. Augustini  
de necessitate baptismi quoad omnes  
nemine excepto.*

**I**N lumine ipso constituo, Sacramentum bapti-  
mi esse ex effectibus unum Passionis ac Mortis  
Domini nostri Jesu Christi. Quod si quis inficias  
eat, revincet illum S. Augustinus ubi ait: *De la- Tratt. 15.  
tere in cruce pendentis lancea percusso Sacra- in Ioan.  
menta Ecclesiæ profluxerunt.* Et alibi: *Ostium arcae Noë  
quid significet, nempè illud est vulnus, quando latus  
crucifixi lancea perforatum est: hæc quippè ad illum  
venientes ingrediuntur, quia inde Sacra- L. 15. de Civ.  
menta manarunt, quibus credentes initiantur.* His jam sup- Dei c. 26.  
positis sciscitaturus venio, num ad solos Re-  
demptos hæc pertineant? Num ad alios? Ad  
alios, quam Redemptos Christi Sanguine ea per-  
tinere nemo dixerit. Cum sint Passionis ac mortis  
effecta, ergo ad solos Redemptos pertinent.

G 8

Secun-